

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ДОМ НАРОДА
ПРЕДСТАВНИЧКИ ДОМ

Привремена заједничка комисија
оба дома Парламентарне скупштине
Босне и Херцеговине
за спровођење процедуре
за избор три члана Управног одбора
Агенције за развој високог образовања
и обезбјеђивање квалитета, по једног
из бошњачког, хрватског и српског народа



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
PREDSTAVNIČKI DOM/ZASTUPNIČKI DOM

Privremena zajednička komisija
oba doma Parlamentarne skupštine
Bosne i Hercegovine
za provođenje procedure
za izbor tri člana Upravnog odbora
Agencije za razvoj visokog obrazovanja
i osiguravanje kvaliteta, po jednog
iz bošnjačkog, hrvatskog i srpskog naroda

Privremeno zajedničko povjerenstvo
obaju domova Parlamentarne skupštine
Bosne i Hercegovine
za provođenje procedure
izbora tri člana Upravnog odbora
Agencije za razvoj visokog obrazovanja
i osiguranje kvalitete, po jednog
iz bošnjačkog, hrvatskog i srpskog naroda

Broj: 01,02-50-16-1092-5,1/20

Sarajevo, 31. 8. 2020.

- PREDSTAVNIČKOM DOMU

- DOMU NARODA

PARLAMENTARNE SKUPŠTINE BiH

Na osnovu člana 31. Poslovnika Predstavničkog doma Parlamentarne skupštine BiH („Službeni glasnik BiH“, br. 33/06, 41/06, 81/06, 91/06 i 91/07), člana 35. Poslovnika Doma naroda Parlamentarne skupštine BiH („Službeni glasnik BiH“, br. 33/06, 41/06, 91/06 i 91/07) i člana 51. Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), Privremena zajednička komisija oba doma Parlamentarne skupštine BiH za provođenje procedure za izbor tri člana Upravnog odbora Agencije za razvoj visokog obrazovanja i osiguranje kvaliteta na 5. sjednici, održanoj 31. 8. 2020, usvojila je, te Predstavničkom domu i Domu naroda Parlamentarne skupštine BiH podnosi sljedeći

I Z V J E Š T A J

o utvrđivanju prijedloga rang-liste kandidata za izbor tri člana Upravnog odbora Agencije za razvoj visokog obrazovanja i osiguranje kvaliteta, po jednog iz bošnjačkog, hrvatskog i srpskog naroda

I. Imenovanje članova Privremene zajedničke komisije oba doma Parlamentarne skupštine Bosne i Hercegovine za provođenje procedure za izbor tri člana Upravnog odbora Agencije za razvoj visokog obrazovanja i osiguranje kvaliteta, po jednog iz bošnjačkog, hrvatskog i srpskog naroda

Parlamentarna skupština BiH je na 4. sjednici Predstavničkog doma, održanoj 4. 2. 2020, i na 5. sjednici Doma naroda, održanoj 14. 2. 2020, imenovala članove Privremene zajedničke komisije oba doma Parlamentarne skupštine BiH za provođenje procedure za izbor tri člana Upravnog odbora Agencije za razvoj visokog obrazovanja i osiguranje kvaliteta, po jednog iz bošnjačkog, hrvatskog i srpskog naroda (u daljnjem tekstu: Komisija), koju čine:

Denis Zvizdić, Darijana Filipović i Ljubica Miljanović iz Predstavničkog doma, te Amir Fazlić, Marina Pendeš i Sredoje Nović iz Doma naroda Parlamentarne skupštine BiH.

II. Zadaci i hronologija rada Komisije

U skladu s članom 51. Okvirnog zakona o visokom obrazovanju u BiH, te čl. 3, 5, 7, 8, 10, 11. i 12. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Sl. glasnik BiH“, broj 37/03), zadatak Komisije bio je da sačini potreban akt o svom radu, te provede daljnju proceduru izbora i predlaganja imenovanja u skladu s navedenim zakonskim propisima i aktom o svom radu.

Kako bi realizirala svoje zadatke, Komisija je održala pet sjednica.

Konstituirajuća sjednica održana je 9. 6. 2020. Na ovoj sjednici članovi Komisije jednoglasno su za predsjedavajućeg izabrali Amira Fazlića, za prvu zamjenicu predsjedavajućeg izabrana je Darijana Filipović, a za drugog zamjenika Sredoje Nović.

S ciljem javnosti rada, na veb-stranici PSBiH objavljeni su određeni akti, kao što je tekst Javnog konkursa i najave održavanja sjednica.

Postupajući u skladu sa svojim nadležnostima, Komisija je na 2. sjednici, održanoj 10. 6. 2020, usvojila Poslovnik o radu. Poslovnikom o radu propisani su: način rada, raspisivanje i uslovi javnog konkursa, dokumenti koji se prilažu uz prijavu, rad po završetku javnog konkursa, intervju - javno saslušanje kandidata, kriteriji bodovanja, postupak bodovanja i utvrđivanje prijedloga jedinstvene liste kandidata i druga pitanja.

Na osnovu zakonskih odredbi, te odredbi čl. od 7. do 10. Poslovnika, Komisija je na istoj sjednici pripremila i donijela Odluku o objavljivanju Javnog konkursa za provođenje procedure za izbor tri člana Upravnog odbora Agencije za razvoj visokog obrazovanja i osiguranje kvaliteta. Uslove Javnog konkursa Komisija je utvrdila na osnovu navedenih zakonskih i odredbi Poslovnika o radu Komisije.

Javni konkurs objavljen je u: „Službenom glasniku Brčko Distrikta BiH“, broj 24/20, 26. 6. 2020, u „Službenom glasniku BiH“, broj 36/20, 23. 6. 2020, te na veb-stranici

Parlamentarne skupštine BiH 23. 6. 2020, a obavještenje o javnom konkursu u: „Dnevnom avazu“, „Večernjem listu“ i „Glasu Srpske“ 25. 6. 2020. Rok za podnošenje prijave na Javni konkurs bio je (zaključno) 8. juli 2020.

III. Prijavljeni kandidati, utvrđivanje ispravnosti dostavljene dokumentacije i intervju

U skladu s članom 11. Poslovnika o radu, sljedeći zadatak Komisije sastojao se u provjeri formalno-pravne valjanosti, blagovremenosti i kompletnosti prijave kandidata s dostavljenom dokumentacijom.

U ovoj fazi rada Komisija je konstatala da se na Javni konkurs prijavilo 7 (sedam) kandidata, i to:

1. Mitar Perušić
2. Dženita Ljuca
3. Ivo Čolak
4. Dženan Omanović
5. Dragana Dilber
6. Nedeljko Stanković
7. Halid Žigić

Komisija je na 3. sjednici, održanoj 21. 7. 2020, pojedinačno i detaljno razmotrila svaku prijavu kandidata i dokumente dostavljene uz nju.

Nakon uvida u dokumentaciju svakog prijavljenog kandidata, Komisija je konstatala da 3 (tri) kandidata, i to: Ivo Čolak, Dženita Ljuca i Mitar Perušić, ispunjavaju uslove konkursa. Komisija je, u skladu s članom 11. st. (2) i (3) Poslovnika, odbacila prijave Dženana Omanovića, Dragane Dilber, Halida Žigića i Nedeljka Stankovića kao neblagovremene, jer je utvrdila na osnovu pečata pošte da su prijave poslane nakon isteka krajnjeg roka za prijave. Na osnovu člana 11. stav (2) Poslovnika, kandidati su obaviješteni da njihove prijave neće biti razmatrane.

U skladu s članom 12. Poslovnika o radu Komisije, tri (3) kandidata koji ispunjavaju uslove pozvani su na intervju. O datumu, vremenu i mjestu održavanja intervjua svi kandidati pismeno su obaviješteni.

Komisija je na 4. sjednici, održanoj 29. 7. 2020, obavila intervju - javno saslušanje kandidata.

Intervjuu su se odazvala tri (3) kandidata, i to:

1. Ivo Čolak
2. Dženita Ljuca
3. Mitar Perušić

Komisija je, u skladu s članom 13. Poslovnika o radu, sačinila obrazac - tabelu za ocjenjivanje svakog kandidata od prisutnih članova Komisije. Na intervjuu kandidat može biti ocijenjen od 0 do 100 bodova, a ocjene članova Komisije za svakog kandidata pojedinačno sabiraju se i dijele s brojem intervjuu prisutnih članova Komisije. Dobiveni količnik je ocjena intervjua kandidata.

IV. Utvrđivanje prijedloga rang-liste kandidata

U skladu s članom 14. Poslovnika o radu Komisije, njen sljedeći zadatak bio je da, nakon provedene procedure, utvrdi prijedlog rang-liste kandidata s tačnim brojem Zakonom propisanih pozicija, odnosno prijedlog rang-liste od tri, prema mišljenju Komisije, najuspješnija kandidata za članove Upravnog odbora Agencije. Komisija je pri tome bila obavezna ispoštovati uslove utvrđene Zakonom - zastupljenost konstitutivnih naroda i zvanje redovnog univerzitetskog profesora za kandidata.

IV. 1. Kako se Komisija, u skladu s članom 14. Poslovnika o radu, obavezala da će predložiti domovima Parlamentarne skupštine BiH listu kandidata za imenovanje članova Upravnog odbora s tačno propisanim brojem pozicija za imenovanje, vodeći računa i o obavezi da od tri člana Upravnog odbora po jedan član treba biti predstavnik bošnjačkog, srpskog i hrvatskog naroda.

PRIJEDLOG

JEDINSTVENE RANG-LISTE ZA IZBOR TRI KANDIDATA ZA IMENOVANJE

ČLANOVA

UPRAVNOG ODBORA AGENCIJE ZA RAZVOJ VISOKOG OBRAZOVANJA I

OSIGURANJE KVALITETA,

PO JEDNOG IZ BOŠNJAČKOG, HRVATSKOG I SRPSKOG NARODA

Redni broj	Kandidat	Pripadnost narodu	Broj bodova
1.	DŽENITA LJUCA	B	95
2.	IVO ČOLAK	H	95
3.	MITAR PERUŠIĆ	S	95

IV. 2. Nakon provedenog intervjua i bodovanja kandidata, Komisija je utvrdila sljedeću listu svih kandidata za člana Upravnog odbora Agencije:

V. Dostavljanje prijedloga rang-liste kandidata u parlamentarnu proceduru

Komisija je na 5. sjednici, održanoj 31. 8. 2020, jednoglasno usvojila prijedlog rang-liste kandidata za Upravni odbor Agencije za razvoj visokog obrazovanja i osiguranje kvaliteta.

U skladu sa zakonskim i poslovnim odredbama, Komisija dostavlja utvrđeni prijedlog rang-liste kandidata za Upravni odbor Agencije za razvoj visokog obrazovanja i osiguranje kvaliteta Predstavničkom domu i Domu naroda Parlamentarne skupštine BiH na daljnji postupak.

Za izvjestioce o radu i o ovom izvještaju Komisije u domovima Parlamentarne skupštine BiH određeni su:

- iz Predstavničkog doma – Darijana Filipović, prva zamjenica predsjedavajućeg Komisije,
- iz Doma naroda – Amir Fazlić, predsjedavajući Komisije.

Predsjedavajući
Privremene zajedničke komisije
Dr. Amir Fazlić

Dostaviti:

- Kolegiju Predstavničkog doma
- Kolegiju Doma naroda
- a/a

Prilog: Prijedlog jedinstvene rang-liste za izbor tri kandidata za imenovanje članova Upravnog odbora Agencije za razvoj visokog obrazovanja i osiguranje kvaliteta

PRIJEDLOG

JEDINSTVENE RANG-LISTE ZA IZBOR TRI KANDIDATA ZA IMENOVANJE

ČLANOVA

UPRAVNOG ODBORA AGENCIJE ZA RAZVOJ VISOKOG OBRAZOVANJA I

OSIGURANJE KVALITETA,

PO JEDNOG IZ BOŠNJAČKOG, HRVATSKOG I SRPSKOG NARODA

Redni broj	Kandidat	Pripadnost narodu	Broj bodova
1.	DŽENITA LJUCA	B	95
2.	IVO ČOLAK	H	95
3.	MITAR PERUŠIĆ	S	95

Predsjedavajući

Privremene zajedničke komisije

Dr. Amir Fazlić